

Il turissen grischun – in mosaic cun bleras fatschettas

La Terra Grischuna preschenta divers fatgs ed aspects

■ **(anr/gc) Il turissem medicinal – en spitals, clinics e centers da sanadad – s’augmenta en il Grischun sco ins po leger en l’editorial. Il Grischun haja en quel regard ina lunga tradiziun dapi il temp medieval.** Spezialmain è quai documentà per San Murezzan e Tavau – en l’emprim lieu pervi da las funtaunas mineralas ed en il segund per sia buna aria da curar malsauns da tuberculosa. Quai e bler auter – davart il vast tema turissem e sanadad – è cuntegnì en l’ediziun 3/2011 da la Terra Grischuna. Nus vulain sa concentrar be sin insaquants aspects menziunads.

Moviment en las muntognas grischunas haja i dà tant tras viagià sco cun curas da recreaziun che sajan s’effectuadas corporalmain e psichicain positiv e vitiers anc daventà in eveniment or en la natira. Strusch in’altra regiun svizra porchia ina tala multifaria offerta da sport sut tschiel avert sco il Grischun. Bler prefereschian dentant era centers da fitness entaifer quatter paraids. Tar la me-



Frontispizi da la brochura.

MAD

dischina alternativa hajan ins applitgà plantas medicinalas. En il Grischun è stà il plevon Johann Künzle (1857–1945) che ha fullà via cun far

adiever dad ervas medicinalas per curar malsognas e mals.

Sco tancadi per energia ed effect psichic vegnan era lieus da cult sco chaplutas e baselgias, ch’ins chatta in pau d’pertut en noss chantun, consideradas. – En il trend è il turissem per la sanadad, numnà oz wellness, ch’è dal reminent er in impurtant factur economic. Sco exempel persunter vala il «Center da sanadad a Scuol» che cumpiglia il bogn, il spital e la spitex da la regiun. – En il Grischun datti era clinics da reha, las pli impurtantas a Seewis (Partenz) e Clavadel (Tavau). En quels sanatoris moderns vulan ins porscher al pazient la meglra rehabilitaziun suenter grevs accidents. – Renumads medis – sco Alexander Spengler, Boris Luban ed Oskar Bernhard, han prestà lavur da pionier cun mussar co sulegl, aria, aua e la forza dal spiert gidian a curar diversas malsognas, era psicosomaticas. – Natira pura, colliada cun la tradiziun, è bio en muntogna. Il Grischun stat a la testa cun la produc-

ziun biologica e sia ritga paletta da tals products natirals

En il magazin da la Terra Grischuna vegnan preschentadas diversas miniaturas (tavlas cun ils nums dad e vid ustarias e hotels) sco ensainas da gronda ospitalitad. – L’architect Rudolf Olgiate ha gidà a dar a la Chasa dals Gualsers a Masein furmas spezialas. – Zunt bel è il purtret da la giuvna perscrutadra da Domat, Onna Rageth, vid la natira sin il champ da la crono-psico-somatica. – Dapi 75 onns datti l’Uniun dals artists grischuns – che sa numna oz Visarte. – Las rondellas vegnan taxadas sco bels tachels colorads en il traffic da mintga di sin via. – L’excursiun maina questa giada sur la via si dad aut da Thalkirch fin a Stussavgia-Plaz ed uschia era sin ils fastizs dals emprims abitants da la Val.

Sco adina porta la Terra Grischuna era questa giada in caleidoscop zunt varià da temas, fatgs ed eveniments – descrit, documentà ed illustrà fitg bain.